

Finanzas saunas – perspectivas cun grondas sfidas

CUN CUSSEGEL GUVERNATIV CHRISTIAN RATHGEB HA DISCURRÌ MARTIN CABALZAR

■ Las finanzas dil chantun Grischun èn saunas e solidas. Tuttina èn las perspectivas finanzialas da l'avegnir collidas cun grondas sfidas che preñan vinavant ina rigurusa disciplina da spargn. Quai ha il minister da finanzas Christian Rathgeb tradi ier en in discurs cun La Quotidiana.

Signur cusseglier guvernativ, Vus avais preschentà ier in budget 2020 che preveda in surpli d'expensas da 33,1 milliuns e prognostigà deficts anc pli gronds en il plan da finanzas per ils proxims quatter onns. Èn ils onns grass definitivamain passads, u fa il minister da finanzas, sco gis sia antecessura, sapientivamain sin pessimissem per evitare ch'il cusegl grond sfarlatia ils daners cun novas pretensiuns?

Christian Rathgeb: Per il budget 2020 è la situaziun finanziala en urden. Las perspectivas per ils onns suandonts enserran dentant considerablas sfidas e pretensiuns. Quai è d'attribuir ad expensas crescentas en plirs secturs sco il socialesser, la scolaziun e furmaziun e la sanadad publica. Da l'autra vart stuain nus quintar cun main entradas cunzuntar la gulivaziun da finanzas naziunala. Nus na vulain betg disegnar in maletgnair, dentant accentuar ch'i dovrà vinavant ina strengta disciplina da spargn.

Is ultims onns ha il chantun era profità essenzialmain da la repartiziun dal gudogn da la Banca naziunala (15 milliuns) e da la participaziun a la Banca chantunala (87 milliuns). Dastgan ins quintar qua vinavant cun talas entradas en la medema dimensiu?

Per il budget 2020 quintain nus danovamain tant cun ina conderschida dal gudogn da la Banca naziunala sco da la Banca chantunala ed essan sa chapescha leds da quest sustegn. Quellas cifras dependan naturalmain da la situaziun monetara e da la situaziun economica. Per 2020 quintain nus cun entradas pressapau en la medema autezza.



Per l'emprima giada en sia nova funcziun sco minister da finanzas ha cusseglier guvernativ Christian Rathgeb preschentà ier il preventiv chantunal.

FOTO TH. GSTÖHL

Ina buna part da las entradas dal chantun èn enconuscentamain era dependentas da las contribuziuns da la confederaziun. Co giuditgais Vus en quest regard las perspectivas per ils proxims onns?

La situaziun è effectivamain ualtı volatila en il moment. En la gulivaziun da finanzas essan nus in dals chantuns che profitan. Nus essan fermamain dependents cunzunt da la gulivaziun da las grevezzas. Bain avain nus cun la nova gulivaziun ina buna basa legala che garantescha ina tscherta constanza. Tuttina sto il Grischun quintar ils proxims onns cun ina reduciun da radund 24 milliuns da questas contribuziuns.

Sch'ins resguarda la facultad e l'agen chapital è la situaziun finanziala dal chantun Grischun tuttina fitg legravia.

Sche nus avain menziunà che la situaziun finanziala dal chantun saja solida

manegiain nus d'ina vart il quint relativamain equilibrà, dentant era la facultad accumulada tradescha che noss tegnairchasa finanzial è saun e solid. Il chantun ha actualmain ina facultad da radund 2,5 miliardas, da quai èn radund 418 milliuns medis disponibels. Quels duvrain nus primarmain per equalisar eventuals deficits u era per finanziar projects da generaziun.

Datti gis decisiuns concretas per tals projects?

Geabain. Il cusegl grond ha reservà in credit da 90 milliuns per la realisaziun dal Campus da furmaziun terziaria a Cuira che duai rinforzar il Grischun sco lieu da furmaziun.

Co statti cun l'offensiva da digitalizaziun ch'è già vegnida annunziada?

Er en quest regard è già vegni concedì in credit d'impegn da 40 milliuns. La regenza è actualmain londervi d'exami-

nar co quels medis duain vegnir miss a disposiziun per accelerar il svilup digital en tut las regiuns da noss chantun.

Las finanzas èn actualmain anc saunas. Esi da quintar ils proxims onns cun in pachet da spargn u fissi schizunt pussaivel da reducir las taglias?

La finamira è d'avair er en l'avegnir in tegnairchasa equilibrà. Quai n'è betg simpel damai che nus avain da quintar cun in surpli d'expensas che nus na pudain betg influenzar. Ina reduciun da las impostas na stat betg en discussiun. Da l'autra vart na vulain nus betg spargnar sin reserva. Cundizion è plinavant da mantegnair ina ferma disciplina d'expensas. Quai è impurtant per che nus possian avair il spazi d'agir sufficient per novs projects pli gronds. Anc quest onn avain nus prevedi d'instradar in'examiniun da las incumbensas e da las prestaziuns. Cun in program da flexibilitad a lunga vista vulain nus prevegnir da stuair realisar tut en prescha in rigurus program da

spargn. En quest connex vuless jau puntuat ch'i na dastga betg vegnir spustà in-cumbensas sin donn e cust da las visch-nancas. Quai fiss inacceptabel.

Quai mutta pia era ch'il chantun metta a disposiziun er en l'avegnir tuttina blers medis finanzials per la gulivaziun da finanzas.

Quai è gist. Or dals medis generals metta il chantun vinavant a disposiziun 40 mil-liuns per la gulivaziun. L'onn proxim vegnir nus er a discutat en il rauvg dal cusegl grond il rapport davart l'efficien-za da la gulivaziun da finanzas intercom-munala. Actualmain spisgentan pliavan 39 visch-nancas cun fermas resursas il fond da gulivaziun dal qual 65 vi-sch-nancas cun flaiylas resuras profitan. Cun total radund 30 milliuns vegnan fi-nanziadas la gulivaziun da las grevez-zas generalas da 50 visch-nancas e las grevez-zas spezialas da 23 visch-nancas. Il chantun n'ha betg l'intenziun da midar quest principi, damai ch'el n'ha betg mo inter-ress d'in ferme chantun, mabain era da fermas visch-nancas. Per savair ademplir lur incumbensas ston las visch-nancas dentant era savair disponer dals medis correspundents.

E per finir anc ina dumonda en atgna chaussa pertutgant la pressa rumantscha. Enconuscentamain metta la confederaziun a disposiziun a partir da l'onn proxim 300 000 francs dipli per la nova Fundaziun da medias ru-mantschas cun la cundizion ch'il chan-tun Grischun fetschia il medem. È quai effectivamain era previ en il nov preventiv?

Tar il post contribuziuns a las medias ru-mantschas ha il chantun effectivamain resguardà quest auzament chantunal da 300 000 francs. Quai è in'impurtanta e buna chaussa per pudair mantegnair vi-navant la pressa rumantscha existenta, pia cunzunt era La Quotidiana che pro-cura per la derasaziun quotidiana dal pled scrit en tut ils tschintig idioms ed en rumantsch grischun e contribuescha uschia essenzialmain a la promozion da la lingua e cultura rumantscha.

Il preventiv chantunal 2020 cun valurs solidas

■ (cc) Il preventiv 2020 observa set da las otg directivas da la politica da finanzas dal cusegl grond. Mo la limitazion da las investiziuns nettas vegn surpassada per 6,0 milliuns. «Il preventiv 2020 cuntinuescha cun la politica da finanzas e da taglia activa che fa grondas investiziuns. La situaziun finanziala dal chantun è vina-

vant solida. En ils onns dal plan da finanzas 2021 e cunzunt suenter 2022 s'augmentan ils custs dentant pli fitg ch'ils retgavs.

Custs da personal
Ils custs totals da personal s'augmentan l'onn 2020 per 1,5 pertschient e creschan parallelamain als custs totals. L'augment importa 5,8 milliuns. Cun quests daners vegnan finanziaids d'ina vart las plazzas ch'en necessarias supplementarmain (principalmain per la nova praschun Cazas Tignez) e da l'autra vart il svilup dals salaris dal personal existent. I n'è betg previs in augment dals salaris chaschunà da la chareschia, perquai che la chareschia equilibrada dals onns passads sa chatta vinavant sur il stadi da l'index actual. La regenza propona al cusegl grond er quest onn in pertschient da la summa dals salaris per ils svilups individuals dals salaris.

Custs materials
Ils custs materials e las ulteriuras expensas da manaschi s'augmentan per 13,3 milliuns (+4,2%). L'augment dals custs da material e da rauba deriva cunzunt da custs d'acquisiziun d'energia pli auts, senza effect sin il resultat, per energia da participaziun, per energia substitutiva da participaziun e per energia retratga per ils custs annuals (+3 miu.). L'augment tar il mantegniment architectonic deriva per l'ina da meds supplementars per il mantegniment da las vias (+4 miu.) e da las lavurs da mantegniment previsas per midadas d'utilisaziun e per l'autra

Curt e bun

- deficit dal preventiv 33,1 milliuns (onn precedent 33,7 miu.), suenter prelevaziuns da reserva da 13,6 milliuns
- quota statala chantunala da 14,5 pertschient (onn precedent 14,7%)
- creschientscha dals custs totals 1,5 pertschient (onn precedent 1,6%)
- creschientscha da la summa totala dals salaris relevanta per la valur directiva 0,9 pertschient (onn precedent 0,6%)
- investiziuns bruttas da 426,9 milliuns (onn precedent 446,0 miu.)
- investiziuns nettas ch'en decisivas per la valur directiva 166,0 milliuns (onn precedent 159,2 miu.)
- deficit dal quint da las vias da 20,0 milliuns (onn precedent 19,8 miu.)
- dotaziuns senza midadas tar la gulivaziun da finanzas per visch-nancas.

da la concentraziun sin immobiglias pli grondas e pli effizientas (+3 miu.). L'augment tar il mantegniment da las vias vegn compensà cun expensas pli pitschnas tar la renovaziun da las vias.

Custs da transfers

Las prestaziuns da transfers s'augmentan cun 0,8 pertschient tut en tut in pau pli pauc ch'ils custs totals. Dals 1158,1 milliuns pertutgan circa 80 pertschient (928,9 miu.) las contribuziuns a communitads ed

a terzas persunas. En quest sectur è la creschientscha da las expensas cun +1,1 pertschient (+10,3 miu.) cleramain pli pitschna en cumparegliazion cun l'onn precedent (+2,2%). La part la pli gronda dals custs supplementars vegn chaschunada da las contribuziuns per reducir las premias da las cassas da malsaus (+6,0 miu. sin 128,3 miu.). Dapi l'onn 2008 èn questi custs pli che sa dublegiads.

Retgavs

A las finanzas publicas contribueschan las taglias chantunala la part la pli gronda dal retgav total (31,3%). Ellas s'augmentan per 8,7 milliuns cun tut en tut 794,0 milliuns en cumparegliazion cun l'onn precedent (785,3 miu.). Las taglias da las personas natirales s'augmentan per 11,8 milliuns (+2,1%). Ensemen cun las taglias spezialas (taglias sin il gudogn tras la vendita da bains immobigliers, taglias sin l'ierta e taglias sin donaziuns) ch'en traís milliuns pli autas po la reduciun prognostigada tar las personas giuridicas (-6,1 miu., -7,7%) vegnir pli che cumpensada. Retgavs supplementars d'indemnisaziuns (+9,5 miu.) e da pajaments da transfer (+20,6 miu. da las taglias federales directas, da las taglias anticipadas e da la gulivaziun da finanzas) megliereschan la vart da las entradas, uschia ch'il resultat total sa mova sin il nivel da l'onn precedent.

Gulivaziun da finanzas grischuna

Per la gulivaziun da resursas vegnan mantegnids ils parameters dals onns precedents:

I vegnan applitgadas vinavant la tariffa da prelevaziun da 16,0 pertschient ed ina do-taziun minimala da 68,0 pertschient da la media chantunala. Da la gulivaziun da las grevezzas geografic-topograficas e da scola (GGG) surveganan las visch-nancas autorisadas sco l'onn precedent totalmain 24 milliuns. Il chantun alimentescha la finan-ziazioon speziala «gulivaziun da finanzas» senza midadas cun 40 milliuns da meds pu-blics generals.

Investiziuns

L'activitat d'investiziun dal chantun vegn a sa reducir l'onn proxim. Ella resta tuttina sin in aut nivel. Las expensas totalas sa muntan a 426,9 milliuns (onn precedent 446,0 miu.). Da l'autra vart starttan entra-das totalas da 136,9 milliuns (onn precedent 143,6 miu.). Il chantun sto pia finan-ziar sez investiziuns nettas da 290,1 mil-liuns. Quai èn circa 12 milliuns damain che l'onn precedent (302,4 miu.). La reduci-un previsa dal volumen d'investiziun è d'attribuir a la finiziun dals dus projects gronds praschun Cazas Tignez e center adm-inistrativ sinergia Cuira l'onn 2020. Ul-terius projects pli gronds ch'en cuntegnids en il preventiv èn la sanaziun dal convict da la scola chantunala grischuna, la reparaziun da l'edifizi da scola al Plantahof sco er la realisaziun dal nov center d'asil al Meiersbo-den. Cuntrariamain a las supposiziuns oriundas n'esi betg pli pussaivel da finan-ziar il center d'asil cun contribuziuns federalas accumuladas or dal quint d'asil.